

KANTIK SANT MAUDE

-I-

O va Doue benniget, me a c'houlenn ho krass
 Evit m'hellin meuli-kaer d'an holl bihan ha bras
 Ar vertuziou burzudus a heuilhas Sant Vaude
 Ma Kavimp skousr ha kentel e histor he vuhe

Diskan

O sant Vaude benniget; a enoromp hirio
 Ni ho ped gant Karante, Klevit hor goulennoù
 Ra resevo diganoc'h hoc'h holl bardonnerien
 Ar grassou hervez Doue a zeuont da c'houlenn.

-II-

Euz an Irland ginidic, mab d'eur roue doujet,
 Hen en doa war an douar peb enor ha respet;
 Mes holl jaeiou ar bed-man d'he galon voa dister,
 Dinec'h braz ho tilezas 'vit heuilha hor Zalver.

-III-

Maude voa ar yaouanka euz a zek krouadur,
 Deski a reas abred beza eur bugel fur;
 Evel ma oa vertuzuz ha gant an holl karet
 Eun dimezi enorabl voa d'ezan kinniget.

-IV-

Ar re vras ha galloudus euz ar rouantelez
 A glask deseo ar zant gant peb seurt madelez;
 Mes poan gollet voa d'ezo klask gounit he spered
 Rak e sonj ar prins yaouank ne voa ket chom er bed.

-V-

Plijaduriou ar bed-man ne gavont ket a blas
 E kalon enecou pur nag e vent prinsed braz;
 Hor zant c'houlenn gant Doue dre acour da vea trec'het
 E teuche kenta-gwella en e gorf eur c'heved.

-VI-

Euz e beden birvidik Doue a chilaouaz
 Hag eun drouk euzuz meurbet d'ezan a zigassas;
 Heb dale dre an drouk-ze voa kollet he c'hened
 Ha neuze d'hen domezi ne voa mui sonj ebet.

-VII-

Lezet libr gant he gerent en em ro d'ar studi,
 Arog pelle'zeu adarre re-bar da bep-hini;
 Goude ma voa gret beleg e kuiteas he stado
 Treuzi a reaz ar mor evit dont en hor bro.

-VIII-

He vagig a zouaras e Eskopti Treger,
 Sant Tudal eno Eskop her gra missioner:
 Neuze da brezeg ar feiz e ieas dre ar vro
 'N eur implij 'vit he skigna lokans ha miraklou.

-IX-

Renta reas ar vuhez d'eun den yaouank lazet
 Gant he vreur en eur c'hoari, siouaz heb evested.
 Ar zant reas da Zoue eur beden evitan
 Ha kerkent an den yaouank zeuas buhez ennan.

-X-

He fervor, he zantelez hag he holl vertuziou
 A glaske kuzet d'an holl kouls hag he viraklou;
 Setu perak 'n em dennas 'neun doare ermitaj
 Evit 'n em rei da Zoue a gare heb partaj.

-XI-

Al lec'h en devoa choazet ar zant evit en em guzet
 Voa eul lann hir ha ledan neubeud darenpreded.
 Eno dindan an domder kouls hag ar ienijen
 E tremene noz ha de e peb seurt pinijen.



